

*Siegfried Dumfries*

## DCA lo enfoca hopi riba conscientisacion di uza colornan di bandera corecto



**ORANJESTAD - Departamento di Cultura lo enfoca hopi riba e conscientisacion di haci uzo di e colornan di bandera corecto.**

Tambe nan lo bay traha un flyer pa asina comunica y

splica e colornan di bandera. Asina aki lo duna un ehempel di esaki. Sr. John Franklin Flemming y Sr. Stanley Dabian cu lo wordo nombra pa decreto gubernamental di ta esunnan cu lo ta e controladonan di e uzo di e colornan

corecto di e bandera, segun Sr. Siegfried Dumfries, director di Departamento di Cultura.

E prome instancia e dos personanan aki lo enfoca riba duna splicacion di e uzo corecto pero tambe tur loke tin di haber cu e etica di bandera. Tur esaki lo wordo poni riba e formulario, di cual actualmente ta wordo traha na Departamento di Cultura. Si tur cos bay bon pa e siman aki e formularionan lo keda cla pa cuminsa parti esaki rond.

Despues cu e permiso wordo pidi na Departamento di Cultura, lo controla esaki. Lo splica tur e proceso pa cu e permiso cu ta wordo duna pa 1 aña cu tur deber e persona

cu tin encarga cu esaki. Cada cargamento cu yega lo wordo controla y pa e motibo ey KPA y Duana ta forma parti di e comision ya cu nan tin cu controla esaki.

### **Conscientisa via media**

E campaña di conscientisacion lo sigui enfoca riba media, kiermen DCA lo tin contacto cu media, lo saca relatonan di prensa, riba facebook.

Na cada momento cu un importado of bendedo di bandera kier informacion, nan por acerca libremente Departamento di Cultura y puntra pa Sr. Dabian, kende lo tin tur informacion necesario pa duna na e bendedo of importado di bandera. "Manera

mi a bisa caba, e tarea di gobierno ta pa salvaguardia e uzo corecto di bandera. Pa es motibo ey a pasa esaki den ley y nombra Departamento di Cultura pa tene control riba esaki pa asina e por ta na bienestar di pais Aruba," Sr. Dumfries a indica.

Pa lo cual ta e maneho manera cu ta para den ley cu lo wordo ehecuta despues di e campaña di conscientisacion pa bin cu e permiso cu e importado/bendedo no tene su mes na e esaki lo haya un sancion.

E sancion cu nan lo por haya ta a base di e ley di bandera cu a pasa den Parlamento y cu a wordo fiha den un ley. Esaki ta un maneho cu ta basa riba un ley. □